



partii naleraq

UKA 2017/132-01

17-10-2017

Avatangiisit innarlitsaaliorneqarnissaannik Inatsisartut Inatsisaat nr. 9, 22. november 2011-meersumi kapitali 6-imi, imeqarfiit killeqarfiini suliaaqaartoqartillugu immikkut akuersis-suteqartarnermut tunngatillugu, aalajangersimasumik erseqqinnerusumillu maleruagassiuun-neqarnissaanut Naalakkersuisut kingusinnerpaamik UKA18-imut siunnersuummik suliaqaq-qullugit Naalakkersuisut peqquneqarnissaannik Inatsisartut aalajangiiffigisassaattut siunner-suut.

(Inatsisartunut ilaasortaq Villy Olsvig, Inuit Ataqtigiit)

Inatsisartunut ilaasortap Villy Olsvig-ip, Inuit Ataqtigiinneersup avatangiisit innarlitsaaliorne-qarnissaannik Inatsisartut Inatsisaat nr. 9, 22. november 2011-meersumi kapitali 6-imi, imeqarfiit killeqarfiini suliaaqaartoqartillugu immikkut akuersissuteqartarnermut tunngatillugu, aalajangersi-masumik erseqqinnerusumillu maleruagassiuunneqarnissaanut Naalakkersuisut kingusinnerpaamik UKA 2018-imut siunnersuummik suliaqaqqullugit Naalakkersuisut peqquneqarnissaannik Inatsi-sartut aalajangiiffigisassaattut siunnersuutaanut qujalluta Partii Naleraq sinnerlugu imannak oqaase-qarfigissuarput:

Nunatsinni imeqarfiit amerlanersaat GTO-qarallarnertali nalaani pilersinneqarsimapput. Maannalu sumiiffiit ilaanni illoqarfiit ineriartorerullu malitsigisaanik imeqarfiit ilaasa killeqarfii allanngor-simapput illoqarfiillu ilaannut ima qanitsigilersimapput, illoqarfiup ineriartorteqqinnissaraluanut kil-liliisunngorsimallutik.

Aammali naluneqanngilaq inoqarfiit qanittuini imeqarniarnikkut pissutsit ilaat pitsaanerpaajun-gimmata, minnerunngitsumik imeqarfiit killeqarfiisa isumannaatsuutitsiniarnermut piunasaqaataa-sut atuutsinneqarnissaat eqqarsaatigalugit, tassami imeqarfiit killeqarfiini killeqanngitsumik angal-lannerit allallu pissutigalugit imeq imigassarput mingutsinneqartarmat, taamaalillunilu imeq ilaatigut toqqaannartumik imernejarsinnaajunnaartarluni.

Tamaakkaluartoq qujanartumik nukissiorfiit sapinngisannuartik naapertorlugu peqqinnartumik mi-
nguitsumillu imeqartinniarluta tamaviaarlutik sulipput, naak pissutsit ilaanni ajoraluartumik ima na-
lorninartigilersaraluartut, allaat atuisut piffissap ilaani erngup qalaateqqaarneqarnissaanik piumaf-
figineqartariaqalertarlutik.

Siunnersuuteqartup Norgemi pissutsit imeqarnikkut pissutsit nunatsinni pissutsinut assingusut soqu-
tiginartullu eqqartorpai, qularnanngitsumik nunatsinnut pisariaqartitsineq naapertorlugu naleqqus-
sarlugit atorluarneqarsinnaasut.

Tassami GTO-toqqalli nalaani pissutsit uninngaarfigiinnarlugit ineriartortitsineq uninngatiinnarsin-
naanngilarput, aqutissat nutaat ujartariaqarpavut.

Taama oqaaseqarluta siunnersuutip aappassaaneraneqannginnerani ataatsimiitialiami susassaqartu-
mi suliarineqarnissaa inassutingaarput.

Anthon Frederiksen